

Lavezzi

Isuli
Cavallu è Lavezu
Scogli quant'è stelli
À l'inghjiru
Belli
A matina
Nantu à l'isuli
Millai d'acelli
Saltendu da una stella à l'altra
Da Poraghja à Magrunaghja
È scogli
Com'è u granu ind'è l'arghja
Spazzati da u ventu
Suminati da u turmentu
Isuli
Cussi beddi
Scoddi à gallu à gallu
Piatti piatti
Fatali
Mundu scimitu
Trà u veru è u mitu
Striscia di sciuma
Chì fruscia
Chì ritrinisci
U frisgiu di a rena liscia
È ventu
Spaventu
Da Tramuntana strana
À Punenti putenti

Isuli
Cussi beddi
Aceddu chì gira
Gabbianu
Pianu pianu
Animali di u mari
Qualchè anima à mari
Anima amara
Alisparti è vai
Ùn vultà mai
Guai
È mari
Onda fundali monda

Mundu tontu
Mari mossu
Mari fossu
Mari chì ingrossa
È spacca
È stacca
I scoddi
Grisgi
Ma sciuma cussi bianca
Com'è a tomba di u suldatu
Isuli
Cussi belli

A. DI MEGLIO



Incontru

À u fiumi di a to vita
Ci aghju bitu
Avvintu aghji è piaghji
Pozzi d'asgiu
Pichjatu poghji è sciappali
Ma cù l'ali
È ghjuntu à trè passi da u celi
Chì essa ùn hè cà meli
In una stinzata bedda
Agguantatu una stedda

A. DI MEGLIO